

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

JASANGARRITASUN, NEKAZARITZA ETA NATURA INGURUNEAREN SAILA

21/2024 Foru Agindua, urtarrilaren 31koa. Onespena ematea Arabako Lurralde Historikoko nekazaritza eta abeltzaintza azokak antolatzeko eta egiteko laguntzen 2024ko deialdiari

Foru Gobernu Kontseiluaren abuztuaren 3ko 40/2021 Foru Dekretuaren bidez, onspena eman zitzaien Arabako Lurralde Historikoko nekazaritza eta abeltzaintza azokak antolatu eta egiteko laguntza lerroaren oinarri arautzaileei.

Dekretu horren 5. artikuluan xedatzen da urtero onetsiko dela laguntza deialdia, zeinean eskaerak aurkezteko epea jasoko baita, bai eta deialdia ebazteko gordetzen den kreditua eta diruz lagun daitezkeen azokak egiteko aldia ere.

Arabako Foru Aldundiaren 2024ra luzatutako 2023ko ekitaldiko gastuen aurrekontuan badago kreditua laguntza horien 2024rako deialdia onesteko.

Covid-19ak eragindako osasun krisiak agerian utzi du zein garrantzitsua den merkaturatze zirkuitu laburrak eta gertuko ekoizpenak sustatzea, zeinak funtsezkoak baitira elikadura burujabetza handitzeko eta kalitatezko elikagaien hornidura bermatzeko. Tokiko merkatuek eta azokak helburu hori lortzen laguntzen dute eta, horregatik, funtsezkoa da haiek babestea.

Nahitaezko txostenak aztertu dira. Horien ondorioz, eta dagozkidan ahalmenak erabiliz, honako hau

XEDATZEN DUT

Lehenengoa. Onestea nekazaritza eta abeltzaintza azokak antolatu eta egiteko laguntzen 2024ko deialdia, bat etorritik nekazaritza eta abeltzaintza azokak antolatu eta egiteko laguntza lerroaren oinarri arautzaileetan ezarritakoarekin, zeinak Foru Gobernu Kontseiluaren abuztuaren 3ko 40/2021 Foru Dekretuaren bidez onetsi baitziren. Hona hemen xehetasunak:

– Eskaerak aurkezteko tokia eta epea: 20 egun baliodun, dagokion foru agindua ALHAOn argitaratu eta hurrengo egunetik aurrera.

Eskaera inprimaki normalizatuan egin beharko da, eta Jasangarritasun, Nekazaritza eta Natura Ingurunearen Sailaren web orrian eskuratu ahal izango da.

Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek egoitza elektronikokoaren berariazko izapidearen bidez (<https://egoitza.araba.eus/es/-/pr-ayudas-para-la-organizacion-de-ferias-agricolas-y-ganaderas-1>) telematikoki aurkeztera behartuta daude: pertsona juridikoak; nortasun juridikorik gabeko erakundeak; elkar-goko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako; administrazioarekiko harremana elektronikoki izatera behartuta dagoen interesdun bat ordezkatzeko dutenak; eta administrazio publikoetako enplegatuek, enplegatu publiko izateagatik administrazio horiekin egiten dituzten izapide eta jarduketarako, administrazio bakoitzak arau bidez zehazten duen moduan.

– Kreditu erreserba: adierazten diren zenbatekoak Arabako Foru Aldundiaren 2024ra luzatutako 2023ko aurrekontuko partida hauen kontura:

40.1.00. G/419400/462.90.400, Nekazaritza eta abeltzaintza azokak. Udalak. Toki erakundeak: 21.612,44 euroak.

40.1.00. G/419400/481.00.421, Nekazaritza eta abeltzaintza azokak. Ekoizleen elkarteak: 3.387,56 euroak.

Aurreko taldeetako bakoitzari dagozkion dirulaguntzak zehaztu eta gero, kreditua bi partiden artean banatu ahal izango da, baina deialdiaren kreditu orokorrean eragin gabe. Horretarako, dagokion aurrekontu aldaketa egin beharko da.

Kreditu horiek zenbateko gehigarriekin handitu ahal izango dira, Arabako Lurralde Historikoko Dirulaguntzen urriaren 19ko 11/2016 Foru Arauak 21. artikuluan ezarritako mugen barruan, baita aurrekontu partidaren edozein arrazoiengatik gerta litekeen kreditu gehikuntzaren bidez ere. Zenbateko gehigarri horiek, gehienez ere, deialdi osorako hasiera batean gordetako zenbatekoa adina izango dira.

– Diruz lagun daitezkeen azokak egiteko aldia: 2023. urtean egindako azokek parte hartu ahal izango dute deialdi honetan (2023ko urtarrilaren 1etik 2023ko abenduaren 31ra), eta, beraz, eskaera eta agiri osagarriak benetan izandako inguruabarrei eta gastuei buruzkoak izan beharko dira. Laguntzak esleitu eta berehala egingo da ordainketa, eta ezinbesteko baldintza izango da oinarri arautzailetan adierazitako agiri guztiak aurkeztu izana.

Bigarrena. Deialdi hau ebazteko, behar beste ebazpen emango dira, eta, ahal dela, bitarteko elektronikoen bidez jakinaraziko dira.

Hirugarrena. Emandako laguntzak ordaintzeko, horien onuradun diren erakunde eskatzaileek, abuztuaren 3ko 40/2021 Foru Dekretuaren 6. artikuluan eskatutako dokumentazioaz gain, erantzukizunpeko adierazpen bat aurkeztu beharko dute, sailaren webgunean horretarako eskuragarri egongo den inprimaki normalizatuan. Adierazpen horretan adierazi beharko dute espedienteari telematikoki gehitzen zaizkion fitxategiak jatorrizkoen irudi fidela direla, jatorrizko fitxategiak erakunde eskatzailearen esku daudela eta, hala eskatzen zaionean, Arabako Foru Aldundiaren esku jarriko dituela.

Laugarrena. Ez da onartuko eskudirutan ordaintzea 2024rako indarreko araudian ezartzen den zenbatekoa edo hortik gorakoa (edo horren kontrabalia atzerriko dirutan).

Ondasun ematea edo zerbitzu egitea zatikatu baldin bada, adierazitako zenbatekoa kalkulatzeko, batu egingo dira eragiketa edo ordainketa guztien zenbatekoak.

Bosgarrena. Foru agindu honek amaiera ematen dio administrazio bideari, eta, beraren aurka, nahi izanez gero, berraztertze errekurtsoa aurkez dakioko organo horri, hilabeteko epean, jakinarazpena egin eta hurrengo egunetik aurrera; bestela, administrazioarekiko auzi errekurtsoa aurkez daiteke Euskal Autonomia Erkidegoko Auzitegi Nagusiko Administrazioarekiko Auzien Salan, bi hilabeteko epean, agindua jakinarazi edo argitaratu eta hurrengo egunetik aurrera.

Seigarrena. Ebazpen hau ALHAOn argitaratzea.

Vitoria-Gasteiz, 2024ko otsailaren 6a

Jasangarritasun, Nekazaritza eta Natura Ingurunearen Sailaren diputatua
AMAIA BARREDO MARTÍN

Nekazaritza zuzendaria
DAVID FERNÁNDEZ SARABIA